



Doris Jakobsen Jensen
Inatsisartunut ilaasortaq, Siumut

Ilulissani GUX-imik pilersitsinissamut pilersaarut pillugu § 37 naapertorlugu apeqummut 217/2020-mut akissuteqaat

14-01-2020
Suliap nr.
Allagaat nr. 15740145

Postboks 1029
3900 Nuuk
Oqarasuaat: +299 34 50 00
Email: ikin@nаноq.gl
www.nanoq.gl

Asasara Doris Jakobsen Jensen,

Inatsisartut suleriaasiat naapertorlugu apequtinnut qujanaq. Apequtigineqartut tullinnguuttuni akissuteqarfissavakka.

Apequt 1: Ilulissani GUX-eqalernissamik siunertaq Naalakkersuisut qanoq pilersaaruteqarfigaat?

Akissut: Naalakkersuisut Ilulissani GUX-imik pilersitsinissamut periarfissat misissorniarpaa, tamanna Naalakkersuisoqatigiit isumaqatigiissutaanni aamma atuarneqarsinnaavoq. Taamaamat misissuineramik aallartitsisoqarpoq, misissuinerlu GUX-imik pilersitsisoqarsinnaanerannut tunngavigineqassaaq. Pissutsit assigiinngitsut misissorneqassapput; ilaatigut suliatigut isumalluutit pisariaqartut qulakkeerneqarsinnaanersut, ilinniarnertuunngorniarfinnut allanut qanoq sunniuteqassanersoq aammalu nuna tamakkerlugu ilinniarnertuunngorniarfiit qanoq sunnerneqassanersut misissorneqassapput. Tamatumani ingammik GUX Aasiannut tassanilu ilinniarnermut neqeroortigineqartunut sunniutaasinnaasut isiginiarneqarput. Tamatuma saniatigut ilinnialertussat, sulisussarsiornermi periarfissat, sanaartornermut aningaasartuutit kiisalu sumiiffimmi suliffeqarfinnik allanik suleqatigiinnermut periarfissat pillugit sukumiisumik misissuueqqissaartoqassaaq.

Apequt 2: Suliaq sumut killippa?

Akissut: Ilinniartitaanermut, Kultureqarnermut, Ilageeqarnermullu Naalakkersuisoqarfik Ilulissani GUX-imik pilersitsinissamut periarfissat pillugit misissuineramik aallartitsinikuuvoq, misissuinerullu 2021-mi naammassineqarnissaa naatsorsuutigineqarpoq.

Inussiarnersumik inuulluaqqusillunga


Katti Frederiksen